



RA TAUTAI



Akameitaki anga kia Maurice Tuareka no tāna moemoeā i te akatupu anga i te tuanga uri reo e te tātā tua ki roto i te reo Kūki Airani.



RA TAUTAI

Tātāia e Ngametua Tuara
Nēnei ia e Ne Tara



E rā mānea tikāi teia, kua
marō te tai e kua tano no
te tītia ki tua.



Kua oki mai te au ravakai no
tua mai e kua rauka ta rātou
ika.



Kua mataora tikāi a Pāpā no
te ma'ata o te ika.



Rekareka katoa mātou no te
mea e ma'ata ta mātou ika
no te kaikai.



Te akara nei tōku taeake i te
ika a tōku tētī.



Kua mou katoa mai tēta'i
'ā'ā pata i to mātou tētī.



Tukēkē te au tū ika ta te au
pāpā i mau mai.



Kua ma'ani a pāpā i tēta'i
ika mata nā mātou.



Kua tunutunu aia i tēta'i au
ika ki runga i te 'āuri.



E kua tunutunu aia i tēta'i ki
runga i te toka vera. Kua reka
tikāi ta mātou kaikai.

Au kupu kia 'āpi'i ia

'ā'ā pata tano

'ākara tītia

'āuri tōku

Ika toka

ma'ani tua

Manea tūkēkē

Māro tunutunu

Mou vera

rauka

ravakai

rekareka



Te Tuareka o Manurewa Punanga Reo

Na..... teia puka.

